

reira kei te āhua rite ēnei kohikohinga ki ngā kohikohinga ā te Polynesian Society.

* * *

He kupu whakamutunga, ki a koutou ki ngā Māori e hiahia ana ki ēnei pukapuka, kia kaha, kia māia. Kaua hei matakū. Kei konei ngā kōrero mō ngā iwi puta noa te motu whānui. Nā ngā Māori anō i tuku ēnei kōrero i tā rātou i aro ai. He tino taonga. Tohungia! Kia pai te whāwhā! Kia noho tonu ai mā ngā uri whakatupu. Kia maumahara hoki nā te Pākehā i whakanoho ērā taonga ki te whare nei. Nō reira manaakihia ngā kaupapa kua takoto mō ngā whāwhātanga atu. Nā tō rātou kaingākau i waimarie ai tātou ki ēnei taonga.

Heoi, ko tāku pātai tēnei: He aha ngā Pākehā nei i kore ai i whaiwhakaaro ki te whakahoki i ngā kōrero ki tēnā iwi, ki tēnā iwi? Ka mutu ake i konei.

Nāku noa,

Nā Te Uri o Te Ahukaramū.

He mihi tēnei nāku ki a Miria Simpson, nāna i āwhina mai te tuhinga o ēnei kōrero.